

Ա Ջ Գ Ա Յ Ի Ն

ԱՍՈՂԿԱՅ ՂԱՏՄՈՒՐԵԱՆ «ԳՈՐԵՍ» ՔԼՈՒԽՆԵՐԷ.

Եթէ կայ հայ ուսումնականի համար հետաքրքրական զբաղմունքներ, դժբա Հայաստանի անցեալի վերաբերեալ պարագաներն են: Հայոց անտիպ մատենագրութիւնն իւր ամեն մի քայլափոխում բաւականութիւն կարէ տալ իւր սրտեռանդն ուսումնասիրողին: Սակայն որչափ ցաւալի է, որ ձեռնհասները հեռու են դոցանից և անկարողները հետաքրքրութիւնից զուրկ, զի առաջինները չեն շահագրգռում երկրորդներին, իսկ վերջինները չեն պահանջում դոցանից և ոչինչ: Նոր հետազոտութեանց շահագրգռութիւնը պիտի փոխէ անշուշտ այս դրութիւնը:

Ասողկայ վերջին հրատարակուող հետամուտ էր եղել՝ այդ պատմութեան երկրորդ գրքի Ե. և Զ. գլուխները ձեռք բերելու վեներակից, սակայն նորան պատասխանել են հռոմէական հայրերն, որ իւրեանց օրինակում ևս պակասում են դժբա: Այժմ Պարիզի ազգային մատենադարանում գտնուեմ մէկ արտագրութիւն, որի վերնագիրն է. „Fragment de l'histoire universelle d'Etienne Assoghig. Livre II chap. 5 et 6. Copié sur le Ms. de la Bibl. du couvent de St. Lazare á Venise por.... Etienne Jasédzi Mai 1855“. Թէ ով է վենետիկ միաբան, Դիւլօրէի այդ մարդասէր կամ ազգասէր բարեկամը, չգիտենք. միայն թէ մէկ լաւ գործ է կատարել, արտագրելով յիշեալ կտորն և ուղարկելով այդ գիտնականին:

Աւասիկ այդ երկու գլուխները, զորոնք անփոփոխ
հրատարակուած ենք.

ԳԼ Ե.

Յայլմէ պատմագրէ—յաղագս Ամիրամունեացն տաճկաց

Արպէս յառաջն ասացաք, ի ԿԸ (=319) թվականին երևեցաւ Մահմէտ մարգարէ տաճկաց, պետացեալ ամս Բ: Աբուբարք ամս Կ: Ոմառ ամս ԺԱ: Աւթման իպն Ափան ամս Ժ: Սուլիա ծեր ամս ԻԳ: Եղիտ ամս Զ: Մաւիտ իպն Իղիտ ամ մի: Մրուան ամ մի: Աբդլմելք իպն Մրուան ամս Ի: Վլիթ իպն Աբդլմելք ամս Թ, մինչև ի ճԿԳ. թվականս Հայոց: Իսկ զկնի վլթի եկած Ամիրամունձնի ի ճԳԲ թվականին Մրուան: Աբդլայ մեռաւ ՄԺԹ թվականին: Մահդիք ամիրամունձնի եղև: Ահարովն մեռաւ ի ճԾԵ թվականին: Աբդլայ միւս իպն, որ ի Հոռոմն եմուտ: Ահարոն որոյ եղբայր Զափր ՄԳԸ թվականին մեռաւ: Զափր ՅԺԱ թվականին: Ահմատ որ զԱԼի որդին յԱհէի Հայոց ամիրայ տաքեաց, և զԱշոտ Իշխանաց Իշխան արար ՅԺԱ թվականին:

Թէև շատ ինչ աշխատեցաք ի պատմական տառս առաջնոյն գրել կարճ ի կարճոյ զրոյցս անցելոցս. և սոուգիւ են ասացեալքն. սակայն զանուանս և զժամանակս Ամիրամունեացն. զոմանց այլ և այլս գոտք ի պատմութիւնս. ոչ գիտեմ, թէ երկանուն նորա եղեալք, եթէ մի ընդ միով երևեալ ահաւորք և շրքեղք՝ իբրև զինքնակալս երևեցան, զորոց զանուանսն յիշատակ գրոյ առին. սակայն մեք զբոլորն ի գրի աստ գրեցաք, զի մի թերութիւն բանի երևեոցի աստ: Եւ զայն ճշգրտեալ գիտացես, եթէ ի ԿԸ թվականին, և յուրերորդ ամի թագաւորութեանն Հերակլի երևեցաւ Մահմէտ և յայնմհետէ եղև բռնութիւն կամ թագաւորութիւն նոցա ի վերայ աշխարհի. և տևեալ կալաւ մինչև ՅԿԳ թվականն Հայոց, և ի ԻԳ ամին թագաւորին Սմբատայ, որ զփայտէ կախեցաւ, մինչև ցթագաւորելն Յունաց Լևոնի, որդւոյ Վապին: Իսկ յայնմհետէ և յառաջ թէև ոչ այլ ազգք տիրեցին ի վերայ նոցա, այլ ինքեանք յինքեանս բաժանեալ հա-

կառակ ինքեանց եղեալ, զի ոչ միայն՝ որ զերևելի քաղաք ունէին, պետացեալ բռնակալութեան, այլ և իշխանք դոյզն քաղաքաց և բերդից ինքնակալք եղեն, զայրացեալ ցասմամբ ընդդէմ՝ միմեանց:

ԳԼ Զ.

Կայսերք Յունաց ի Կոստանդինոսէ և այսր, անուանք և ժամանակք նոցին: Յերրորդ ամին Դիոկղետիանոսի թագաւորէ Տըրգատ Հայոց, իսկ Դիոկղետիանոս ի վերայ երիցն այլ ևս չի ամ թագաւորեաց. և ապա Կոստանդին ամս 13: Սա յերկրորդ ամի թագաւորութեան իւրոյ փոխեաց զարքունիսն ի Հռովմայ ի Բիւզանդիա կղզի. և սարսպեալ զնա քաղաք մեծ, անուանեաց յիւր անուն Կոստանդնուպօլիս. և բերեալ ընդ իւր մասն ինչ նշխարաց սրբոյն Պետրոսի և Պօղոսի առ ի հաստատութիւն թագաւորութեան: Յետոյ շինէ զմեծ և զհռչակաւոր եկեղեցին ի տիեզերական մայրաքաղաքին, զոր յանգագոյն անուամբ առաքեալս անուանեաց: Եւ յերրորդ ամին առաքէ զմայր իւր յերուսաղէմ ի խնդիր Պատուական Խաչին Քրիստոսի: Սա խնդրեաց և առ զնախկին թագն Դաւթի մարգարէին՝ ի Շապհոյ Պարսից արքայէ, զոր բարձեալ էր ի գլխոյն Յեքոնեայ որդւոյ Յովսեայ Նաբուքոդոնոսոր արքայ. որպէս ուսուցանէ քեզ պատմութիւն Շապհոյ Բագրատունւոյ, որդւոյ Աշուի Անթիպատրիկի: Ի սորա ի ամեկին ՄՂԱ ամէր ի կենարար չարչարանացն Տեառն: Եւ զկնի նորա թագաւորեցին որդիք նորա Կոստանդինոս և Կոստաս, և Կոստանդինոս Յունաց և Հռոմոնց ամս 14: Ի սոցա աւուրս Անդրէաս եղբայր Մանգնոսի եպիսկոպոսի յօրինէր զշարագրութիւնք տոմարացն: Եւ առ սա թուղթ գրեաց Կիւրեղ Երուսաղէմացի վասն նշանին երևմանն: Եւ ապա Յուլիանոս եղբօր որդի Կոստանդիանոսի Բ ամ: Ի սորա աւուրս երանելին Աթանաս հայրապետն Աղէքսանդրի էր ի Սկիւթ՝ երկրորդ անգամ հալածեալ յարիանոսաց: Սա մեռաւ ի Պարսո, և թաղեցաւ ի Տարսոն, որպէս Սոկրատ ասէ: Յօրիանոս ամ մի: Վաղենտինեանոս և Վաղէս ամս 15: Սա արսորեաց զսուրբն Ներսէս հայրապետն Հայոց ի Պատ-

մնա կզղի՝ և զայլ բազում հարս, որ ի ձկանցն զոր ծովն ինք-
նին տրտաքս ընկենայր կերակրեալ լինէին: Ի սոցա մետասան
ամին վախճանեցաւ երանելին Աթանաս յաղեքսանդր՝ դարձեալ ի
հալածանաց: Եւ ի սոցա աւուրսն էին ս. վարդապետքն Բարսեղ
Կեսարացի և Գրիգոր Նիւսացի եղբայր նորին, և Գրիգոր Նազիա-
ղու աստուածաբանն: Գրատիանոս ամս Ե. առ սոլաւ Եպիփան
եպիսկոպոս Կիպրացւոց զպարունակախօսն գրեաց: Սուրբն Թէո-
դոս ամս ԺԵ. սա արար ժողով ի Կ. Պօլիս ճԾ հարցն, վասն Մա-
կեդոնի հոգեմարտի, և էր նա յառաջագոյն մեռեալ: Արկա-
դէոս և Ոնորիոս որդիքն Թէոդոսի ամս ԽԴ: Ի սոցա աւուրս պայ-
ծառանայր Յովհաննէս Ոսկերեան, և Եպիփան Կիպրացին, և
Ամոն Աղեքսանդրացին, որ զաւետարանին ցանկսն զարդարեաց,
և Եւթադի Աղեքսանդրացի, որ հրաշազան յօրինուածով զսուրբ
առաքելոցն և զգործոց առաքելոցն և զկաթուղիկէից յառաջա-
բանսն, և զգլուխսն, և զմասնաւորսն, զվիայութիւնսն և զտունսն
կարգեաց: Թէոդոս փոքր որդի Արկադու ամս ԽԵ. Սա արար ժո-
ղով յԵփեսոս զերկերիւր ս. հարսն վասն Նեստորի, որ մարդա-
ծինն ասէր զՄարիամ, և ոչ աստուածածին, և նզովեալ որոշե-
ցաւ ի ժողովոյն: Ի սորա աւուրս էր ս. հայրապետն Հայոց Սա-
հակ, յորոյ աւուր դպրութիւն Հայոց լեզուիս ԽԹ գիր ի Գանիէ-
լէ փիլիսոփայէ ասորւոց կարգեցաւ. իսկ զեօթն գրոյն պակա-
սութիւն Մեսրոպ երանելի Տարօնացի խնդրուածովք յԱստուծոյ
առնու: Մարկիանոս ամս Ե: Սա յերրորդ ամի թագաւորութեան
իւրոյ արար ժողով ի Քաղկեդոն՝ քինախնդիր եղեալ լուծմանն
Նեստորի, և հրամայեաց զՆեստոր ի խուժաստանէ ածել վերս-
տին. այլ բարկութիւն Աստուծոյ հասեալ ի վերայ նորա, եղեալ
որդնալից սատակեցաւ: Լեոն մեծ ամս ԺԶ: Ոնտոս Լեոն ամ մի:
Ջենոն ամ մի: Բասիլիսկոս ամ մի: Ոնտոս Ջենոն ամս ԺԷ: Սա
էր այր որկորեայ, և յաւուր բարեկենդանին ագահացեալ յու-
տել և յրմպել մինչև ի լուսանալն պահոց, ապա յարուցեալ ի
քնոյ մնացած ինչ մայեգիտ յատամունս. զի Հռոմք ոչ ունին
սովորութիւն յետ կերակրոյն լուանալ և մաքրել զքերանն, մա-
նուանդ լուալի իրօք զոր օշնանն կոչեն, այլ լոկ ջրով ոզողեն:

ապա հրամայեաց հրամանաւ պատրիարքին նշուիլիք չափ զվերջին բարեկենդանն պանրուտոյ առնել: Սա գրեաց թուղթ առ ամենայն աշխարհն ֆունաց և Հռոմոնց, որ կոչի հենոտիկոն, յորում նշուիլէ զժողովն Քաղկեդոնի և որք երկու բնութիւն ասեն ի Քրիստոս: Սա դարձոյց զՏիմոթէոս յԱղեքսանդր, որ արտասահմանեալն էր ի Զենոնէ, որ յերկրորդ ամին վախճանեցաւ: Անաստաս ամս ին: Սա եկաց ի նմին միաւորութեան Զենոնի ուղղափառութեան: Յուստիանոս ամս թ: Սա զքաղկեդոնացւոյն ընկալաւ: Յուստիանոս ամս ԼԵ: Ի սորա չորեքտասաներորդն կարգեցաւ թվականս Հայոց ի Դւնոյ ժողովին: Եւ ի սորա ԻԳ ամին Հարգեցին Աղեքսանդրիայիքն զինն և տասներեակ զչորեքտասաներորդն զառկաց ԽԸ շրջագայութեամբն ՇԼԲ ամաց բոլորակին: Սա հալածի ի զօրաց իւրոց վասն գոյզն ինչ պատճառաց: Երթայ առ թագաւորն Խաքան Խազրաց, և առեալ զգուստր նորա ի կնութիւն իւր և Իհնիթեա քաղաք ի ժառանգութիւն իւր, և օգնութեամբ զօրաց Խազրաց դառնայ ի թագաւորեալ քաղաքն ի Կ. Պօլիս, և հաստոտի յաթոռն թագաւորութեան իւրոյ, և ապա շինէ զմեծ և զհստակաւոր եկեղեցին զսուրբն Ստի: Յուստիանոս ամս ԺԱ, ուղղափառ: Տիբեր ամս Դ: Առ սուլաւ եղև ժողով ի Կ. Պօլիս Հայոց և Հռոմոնց, վասն սահմանին Քաղկեդոնի, յորում պարտեցան Հայք: Մօրիկ ամս Ի: Զսա ասեն լինել յերկրէն Հայոց, յԱրագածոտն գաւառէ, ի գեղջէ որ Ոշականն կոչի, որ ի Կ. Պօլիս խնամ ածէր գեղջն իւրում: Եւ այս արգարացուցանէ զառասպելին, որ ասեն՝ «Աստի յՈշական խունգ առաջին: Առ սուլաւ սպանաւ Որմիզդ Պարսից արքայ և թագաւորէ Վահրամ: Իսկ Խոսրով որդի Որմիզդի փախտական անկանի առ Մօրիկ, և կնքեցաւ ի Քրիստոս, և օգնականութեամբն Մօրկայ թագաւորէ Պարսից: Փովկաս ամս Ը, որ սպան զՄօրիկ, և սկսաւ Խոսրով վրէժ խնդրել սպանմանն Մօրկայ, և սրով և գերութեամբ աւերեաց զաշխարհն ֆունաց, առեալ և զսուրբ քաղաքն Երուսաղէմ գերի, տարաւ և զսուրբ խաչն ի Պարսս: Հերակլ ամս ԼԱ: Սա ի ԺԸ ամի թագաւորութեան իւրոյ սպան զԽոսրով թագաւորն, և դարձոյց զսուրբ Խաչն ի Պարսից, յո-

բում ամի Հէ էր Հայոց թվականն: Ժողովի ամենայն ժամանակն
 ի ժ. ամէն Տիբերի, ի խաչելութենէ փրկին մինչև ի ժ. ամն
 Հերակլի և ցղարձ փրկական խաչին ամք ՇՂԵ. իսկ յԱդամայ ԲՁԷ:
 Կոստանդին ամն Գ: Առ սոխաւ տաճիկք զԱսորիս կալան, և զե-
 րուսաղէմ ընդ հարկաւ արարին: Կոստանդին որդի Կոստանդնու՝
 թոռն Հերակլի ամն ժ. ի սորա Բ. ամին առաւ Դըւին ի Տաճ-
 կաց: Կոստանդին Գ. ամն ժ. Գ: Յուստիանոս Գ. Կոստանդինի որդի
 ամն Ե: ի սորա Ա. ամին տիրեցին հիւսիսային ազգն, որ ասի խազիրք՝
 Հայոց, Վրաց և Աղուանից: Լեոն ամն ի: Աղսիմարոս ամն Է: Կուար
 ամն Զ: Փիլիպպոս ամն Բ: Արտեմ ամն Բ: Թէոդոս ամ մի: Լեոն
 ամն ի Գ: ի սորա ժ. Բ. ամին տաճիկն ի Նիկիա եկն: Կոստանդին
 ամն Լ. Գ: Սա ի ի Ա. ամի թագաւորութեան իւրոյ էառ զկարնոյ
 քաղաքն Մ. Թվականին Հայոց: ի սորա Բ. ամին, Մէ թվականին,
 իզիսն Հայոց ամիրայ շինեաց զկարնոյ քաղաք: Լեոն ամն Ե.
 Կոստանդին և Եռինէ մայր նորին ամն ժ: ի սոցա աւուրս եղև
 պատկերաց կանգնումն ի Հռովմ: ՄԼԷ թվականին: Զսոցանէ ասեն՝
 եթէ տեսեալ տապան մի մեծ մարմարին, մեծ լայնութեամբ, և
 զարմացեալ ընդ մեծութիւն, հրամայեաց շուրջ տալ խափումն
 տապանին. գտին գրեալ ի նմա ըստ ներքուստ, թէ Պի՛նչ ոգուտ
 է քեզ ծածկելդ զիս, զի ի ժամանակս Կոստանդին թագաւորին
 և Եռենայ մօր նորին արեգակն տեսանելոց է զիս: Նիկոմիտ
 ամն Թ: Սա ՄԿ թվականին ի Բուլղարս եմուտ, և կորեաւ ինքն
 և ժողովուրդ իւր: Միքայէլ ամն Բ: Առ սոխաւ Թրակացոց աւե-
 րումն եղև: Լեոն ամն Ե: Եկն թշնամին յոսկի գուռնն, և ա-
 ռան բազում քաղաքք, և գերեցաւ մայր քաղաքացն Մակեդո-
 նացոց Ադրիանուպօլիս, և զպատկերսն ընկեաց Լեոն: Սա շի-
 նեաց զԲիւզու և զԱրկադուպօլիս և զկամառախ ՄԿԲ թվականին:
 Միքայէլ ամն Թ: Առ սոխաւ Թումայի մոլորեցուցչի գալ և
 քրիստոնէից շփոթումն և կրթանումն: Իսկ ՄԿԲ թվականին
 Միքայէլ կռուեալ ընդ Թումայի, և կալեալ կորեաց զոտս և
 զձեռս և հան ի փայտի: Եւ ապա պատերազմեալ Միքայէլի ընդ
 տաճիկ զօրուն և զքաղումն ի նոցանէ սատակեաց ի կուռ նաւին
 և յաղթեաց նոցա և անկիւռիսյան (°). իսկ ՄԿԸ թվականին

վախճանեցաւ Միքայէլ և թագաւորեաց թէովիիլոս որդի նորա ամս ի. Ի սորա աւուրս եղև Գալուստ հռոմգիւերոյն ի գաւառն Բասեան և զբազումս խողխողեցին սրով ի վերայ յարուցեալ գիւղաքաղաքին Գոմաձորոյ: Իսկ թէովիիլոս գնաց ի Խաղտիս, և ել ի ցամաք ընդ կամուրջ, և գերեաց զբազումս ի Հայոց հանդերձ ընտանեօք իւրեանց: Եւ տուեալ զհիւպատոսութեան պատիւն, այսինքն ապուհիւպատ պատրկութիւն, Աշոտայ որդւոյ Շապհոյ, և թողու ի Սպեր գաւառի: Եւ ինքն առեալ հարկս ի թէոգուպօլսեցեաց զարձաւ անդէն: Եւ ապա եկեալ հռոմօտիարանցն ի վանանդ, ի գիւղն Կաճկաքար, կոտորեցան ի ձեռն Սահակայ որդւոյ Իսմայէլի: Եւ ի նոյն ամի եմուտ թէովիիլոս յԱսորիս, և էառ զքաղաքն Ուրբելի, և պատերազմեցաւ ընդ տաճկաց յԱշմու շատ և յաղթեաց: Սա ի խաղալն իւրում յարեւելս կոյս ի սահմանս Հայոց առնու զշմու (թէ Հմու) բերզն Հայոց, զԱւաջին, և զՄեծկերտ, և զԱլբերգ ի գաւառին Գեղամայ, և զխողան, և զչորրորդ Հայս անապատ առնէ ի մարգոյ և յանաւնոց: Եւ յետ նորա թագաւորէ Միքայէլ որդի նորա ամս ի. և նա զանխլաքար մեռանի ի վապէ, զոր ընդ իւր թագաւորեցուցեալ էր: Եւ դարձեալ այլ թագաւորէ վասիլ ամս ի. Սա շինեաց զմեծ եկեղեցին ի Կ. Պօլիս, և զարգարեաց ի զարդ ոսկիապատ, և «ս. Զորափարս» անուանեաց: Զսա առեն լեալ ի Տարօն գաւառէ ի գեղջէ թլայ: Եւ յաւուրս սորա պայծառանայ ս. պատրիարքարանն առատութեամբ և զպրութեամբ: Յաւուրս սորա թագաւորէ Աշոտ Հայոց մեծաց: Ուր վախճանեալ Բ. գլխոյ գրոյս, դարձեալ սկսանի ընդ Գ. նորոգման թագաւորութեան Հայոց, ի նոյն գառնալով գիրս:

— 0 —

Նկատողութիւններով ընդարձակել այս յօդուածն աւելորդ համարելով, յիշենք միայն որ այս Զ. գլուխը մասնաւորապէս հետաքրքրական է, համառոտութիւն կազմելով «կայսերաց պատմութիւն» կոչուած գրքի, որի կտորները միայն Յայտմաւորների և ճառընտիրների մէջ ենք գտնում:

Պարիզ, Օգոստ. 6/25 յուլ. 1892 թ.

ԱՐՇԱԿ ՏԵՐ-ՄԻՔԵԼԵԱՆ.